

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Udalbiltzaren ofizialtasunarekiko konpromisoa

Lander Etxebarria Garitazelaia (*Bilboko zinegotzia eta Udalbiltzako Euskara Arloko arduraduna*)

Euskal Herrian Euskarazek manifestazioa deitu du gaurko Gasteizen, euskarak ofizialtasuna behar duela Euskal Herri osoan aldarrikatzeko. Egungo legediaren arabera arauak gainditu eta berriak formulatzeko aldarrikapena egin nahi da Euskal Herri osoan hizkuntz eskubideak bermatuak izan daitezzen. Udalbiltzak berea egiten du manifestazioarako deia. Euskararen gizarte-erakundeak zein norbanako euskaltzaleak etengabe ari dira azpimarratzen euskararen etorkizuna bermatzeko konpromisoa behar dela. Izan ere, euskara, frantses eta espainieraren arteko elkarbizitzaren baldintzak, interbentzio aktibo eta euskararen aldekorik gabe, euskararen kaltetan doaz eta Euskal Herriaren eskubideen kaltetan.

Etorkizunean euskaldun eleanitzez osaturiko Euskal Herri bat nahi duen orok euskararekiko jarrera konprometitu, mantendu behar du. Baina norberaren hizkuntzan aritzeak, zerbait gehiago behar du. Eskubideak bermatu behar dira, baita hizkuntzaren jabe ez direnekiko ere, herri honetako partaide izanik euskaldun bihurtzeko eskubidea badutelako. Baina euskara bizitzaren eremu guztietan erabili ahal izanda baino ez dira garatzen eskubide horiek, eta hori, egun, ez zaio Euskal Herrian inori bermatzen. Botere publikoen, instituzioen ardura da eskubideak betetzen direla bermatzea. Horrenbestez, botere horietan herriaren ordezkariak dugunoi, eskubide horiek bermatuak izan daitezzen behar diren neurriak hartzea dagokigu, orain artekoak ez baitira nahikoa izan. Euskararen normalizazioarako neurriak falta dira, eta horretarako, euskarak ofizial izan behar du Euskal Herri osoan.

Euskaltzaleek ofizialtasunaren aldarrikapenaren inguruan adostasunak bildu eta eztabaida gizarteratu behar dugu. Udalbiltzak bere lana helburu horretan jartzeko konpromisoa du, herritarron eskubideak bermatu-



galdeiozu...

Mendigoizalea izateko ezinbestekoa al da Himalayako mendiren bat igotzea?

Josean Perez (Iruñea)

Ez, horixe. Mendigoizalea izateko ez da Himalayara joan behar. Mila mendi daude bai Euskal Herrian baita beste lurraldeetan ere joan gaitezkeenak. Nire kasuan, behintzat, Himalaya aukera bat izan da beste lekuak ezagutzeko.



EDURNE PASABAN

Mendizalea

Ekainaren 26tik aurrera **Mixel Etxeberri • Seaskako lehendakaria** izango da Galdeiozu ataleko gonbidatua. Bidali zure galderak ordurako.

ko dituen araudi eta akordio berriak gauzatu. Bojan Brezigarrek, Europako Hizkuntza Gutxituen Bulegoko lehendakariak, ez zuen beharrezkotzat jotzen ofizialtasuna hizkuntza gutxitu baten etorkizuna bermatzeko, hiztunak izatea baizik. Europako Batasunean estatuek menderatutako herrien eskubideak, hizkuntz eskubideak barne, gai berriak dira oraindik eta euskaldunok badakigu euskararen normalizazioarako zein errezeta behar dugun. Egia da hiztunik gabe hizkuntzarik ez dagoela, baina hiztunen jarraipena ziurtatzeko eta eskubideak bermatzeko ofizialtasuna behar da.

Gaur nafar hautetsiak Iruñera euskararen alde!

Tomas Azpiroz Alkoz (*Leitzako alkatea, Talde eragilearen izenean*)

Nafarroa Garaiko 600 hautetsi baino gehiagok euskararen normalizazioaren aldeko atxikimendua adierazi dugu egunotan, asmo eta borondare hori jasotzeko sinatu dugun idatziaren bitartez. Baten bati harrigarria irudituko bazaio ere, ez dugu ustegabekotzat hartu behar ekimen honek lortu duen

arrakasta, gizartean eta Nafarroa osoan euskararekiko dagoen atxikimendu sokenaren islatzat baizik. Ez dago azaltzerik, gainerakoan, horrelako erantzun zabala.

Idatzian aipatzen den euskararen normalizazioa, ofizialtasuna Nafarroako lurralde guztietara hedatzea, herritarren hizkuntza eskubideak errespetatzea... hori guztia eskuratzea, gizarte osoaren erantzukizuna eta lana da. Lan horretan, zer esanik ez, protagonismo eta toki berezia dauka euskalgintzak, eta Oinarriak bilguneak bereziki. Eta euskalgintzarekin batera Nafarroako hautesioak ere badugu zer esana eta, batez ere, zer egina. Izan ere, euskararen normalizazioan eta nafar guztien hizkuntza eskubideen errespetuan instituzioen funtzioa garrantzitsua da oso, eta udal arduradun garen neurrian ezin diogu ardura eta erantzukizun horri uko egin.

Horregatik erabaki dugu, Oinarriak bilgunearen planteamendurekin bat eginez, euskararen alde hainbat sektore eta alorretatik egiten ari den lana gure ekarpenarekin indartzea. Ahalegin berezia egin beharko dugu, gainera, Nafarroako Gobernuak euskararekiko duen jokabide erasokorra ikusirik. 600dik gora hautetsion atxikimendu bil-

tzea zinez emaitza ederra da, baina are ederragoa izanen da atxikimendu hori eguneroko lanean eta jardunean emanen ditugun urrats praktikoko bihurtzen direnean. Orduantxe hasiko gara euskararen aurkako oldarraldi honi behar duen tamainako erantzuna ematen. Eta horrexegatik Nafarroako udal eta kontzejuetako hautetsi guztiei dei egin eta animatu nahi ditugu gaur Iruñeko Golem zinean goizeko 11:00etan egingen dugun ekitaldira. Bertan egingen dugu instituzio-ekimen honen aurkezpena, gaur egun egiten ari denaren adibideak ere ezagutuko ditugu eta, bide batez, aurrera jarraitzeko kementa eta gogoia indartuko ditugu. Euskarak, nafarron hizkuntzak, hori eta baita gehiago ere merezi baitu.

Zigor gehitua

Jose Aristi Etxaide (*Martuteneko Euskal Preso Politikoen izenean*)

Gumersindo Telleria ekainaren 20an hil da biriketako minbizi batek jota. Bere seme Ander gaur egun Martuteneko espetxean dago preso, eta kartzeleroen axolagabeke-riagatik ezin izan du bere aita agurtu, ez bizirik zirauen bitartean behintzat. Aita hiltzorian zelarik, ekainaren 4an eskaera urgente bat egin zuen ospitalera irteteko bera ikustera. Baina, bertako administrazioak ez du sentimenduez ulertzen eta eskaera urgente hori ez zuen bideratu ekainaren 7an egin zen Tratamendu eta Erregimen Batzordearen oniritzia jaso arte.

Gauzak horrela, eskaerak ekainaren 8an hartu zuen Madrilgo bidea. Eta bitartean, Anderren aita ahitzen zihoan emeki-emeki. Alabaina, Madril, Espetxe Erakundeetako Zuzendaritza Nagusi horretan ere ez dira askoz azkarrago ibili eta azkenean Ander aita ikusi barik geratu da. Betirako. Hemen barruan horrelako egoera batek sorrarazten duen ezintasuna eta amorrua ezin dira hitzen bitartez azaldu, baina une latz hauetan horiek alde batera utzi eta gure bihotzetako maitasun osoa bidali nahi genioke Telleria-Otaño familiari. Besarkada eta muxu handi bana.

montxo

